

De

COMMODATO

Exercitationem Juridicam,

SUB PRÆSIDIO

DN. CASPARIS ZIEGLERI,

J. U. D. Consilarii Electoralis Sa-

xonici & Facultatis Juridicæ Ordinarii,

&c,

Patroni sui ac Promotoris ætatem

devenerandi,

Publicæ disquisitioni subjicit

JOHAN. HEINRICUS REINHARD,

Lipsienf. Mifn.

In Auditorio Jctorum,

Horis consuetis,

Ad diem 27. Septembris.

VVITTENBERGÆ,

Typis CHRISTIANI SCHRÖDTERI

ANNO clb lcc LXXIX.

53

I. N. D. N. J. C.

THES. I.

Commodatum dicitur
vel à Vocabulo commodum,
per productionem, vel quod
cum modò detur.

II.

Imò verò est ipsum participium à verbo commo-
do, substantivi significatum gerens.

III.

Non tamen hic sumitur materialiter & objectivè
pro re occupatà, uti in *l. 3. §. 3. l. 5. pr. b. t.*

IV.

Sed formaliter & operativè pro re occupantè, h. e.
ipsò contractu, uti in *l. 5. §. 2. in f. l. 17. pr. b. t.*

V.

Et definitur quod sit Contractus, quò res gratis
traditur, certi usus gratià, ut eò finitò in specie resti-
tuatur:

A 2

Quæ

VI.

Quæ definitio substantialia hujus Contractus continet omnia.

VII.

Vocantur autem substantialia, quæ essentiam ejusque Contractus ingrediuntur, & constituunt. *l. 72. de contr. empt.*

VIII.

Quæque arbitrio contrahentium non succumbunt: *l. 38. ff. de pact. l. 27. de R. l.*

IX.

Sed à lege concepta & ordinata sunt.

X.

Primum substantiale commodati est ipsum genus, quod est CONTRACTUS. *l. 5. §. 2. b. r.*

XI.

Contractus autem sine consensu esse nequit. *l. 5. §. 3. de pact.*

XII.

Et nequit igitur commodatum.

XIII.

Unde nec consistit in personâ eorum, qui vel consentire non possunt, vel in jure pro consentientibus non habentur.

XIV.

Ut sunt infans, quia nullum habet intellectum. *§. 10. l. de inut. stip.*

XV.

Pupillus sine autoritate tutoris. *l. 1. §. 2. b. r. nisi lo-
cupletior factus fuerit. l. 3. eod.*

XVI.

Furiosus. *l. 2. b. t. l. 40. de R. I.*

XVII.

Prodigus. *arg. l. 6. de V. O. l. 40. de R. I.*

XVIII.

Sed & servi consensus jure civili non attenditur.
*l. 22. de R. I. l. 43. de O. & A. Prætor autem attendit, &
actionem de peculio adversus dominum concedit. l.
3. §. 4. b. t.*

XIX.

Secundum substantiale commodati exprimitur
verbis, quo RES TRADITUR.

XX.

Nec enim consensu absolvitur hic contractus.

XXI.

Sed obligationem tum demum producit, quando
res tradita est.

XXII.

Unde re obligari dicitur commodatarius. *§. 2. Inst.
Q. M. R. C. O. l. 1. §. 3. de O. & A.*

XXIII.

Et Contractus ipse hinc dicitur realis,

XXIV.

Res illa propria, an aliena sit, nihil interest. *l.
25. b. t.*

XXV.

Habet enim etiam fur & prædo si commodaverit,
commodati actionem. *l. 16. b. t.*

XXVI.

Cave autem per traditionem intelligas eam, quam interpretatur Imperator, §. 40. l. de R. D.

XXVII.

Illa enim est modus acquirendi & transferendi domini. l. 20. C. de pact. l. 15. l. 27. C. de R. P.

XXVIII.

Hæc autem nec dominium transfert. l. 8. l. 9. l. 4.

XXIX.

Nec possessionem. *ibid.*

XXX.

Sed solum usum.

XXXI.

Id quod tertium est substantiale verbis, CERTI USUS GRATIA contentum.

XXXII.

Exprimitur eò ipsa commodati forma, & differentia specifica.

XXXIII.

Ex fine enim commerciorum species constituuntur.

XXXIV.

Et per hunc distinguitur à reliquis contractibus realibus.

XXXV.

In mutuò enim res traditur non ad utendum, sed ad abutendum, translatò scilicet dominio. *pr. Inst. 2. M. R. C. Q. l. 2. ff. de R. C.*

XXXVI.

In depositò res traditur ad custodiendum, §. 3. *l. eod. l. i. pr. ff. de positi.*

XXXVII.

In pignore propter contractus fidem, & restituenda rei vinculum, *l. 9. §. f. de supell. leg.*

XXXVIII.

At in commodatò res traditur ad utendum.

XXXIX.

Et quidem traditur ad usum certum.

XL.

Sicut enim voluntatis & officii magis, quam necessitatis est commodare: ita modum commodati finemq; præscribere, ejus est, qui beneficium tribuit, *l. 17. §. 3. b. t.*

XLI.

Aliud est in precariò, quò quidem & ipsò res utenda datur & gratis, sed simpliciter, non ad usum certum.

XLII.

Et idcirco precarium utendum conceditur tantum, quamdiu is, qui concessit, paritur, *l. i. pr. & l. 2. §. 2. de precar.*

XLIII.

Quin si ad certum tempus concessum est aliquid precariò, revocare id licet etiam ante istud tempus, *l. 12. de precar.*

XLIV.

Sed in commodato hoc non licet, quippe quod usu

usu semel præscripto in mutuas convertitur præstationes, *l. 17. §. 3. b. t.*

XLV.

Tempus autem vel expresse adjicitur à commo-
dante, vel tacite.

XLVI.

Hoc fieri intelligitur tum, quando usui temporis
aliquod spatium inest. e. g. Commodatio libri ad de-
scribendum.

XLVII.

Et hoc casu ad arbitrium judicis recurri solet, *arg.*
l. 137. §. 2. ff. de V. O.

XLVIII.

Circa usum verò rei commodatæ apprimè no-
tetur id, quod debeat esse gratuitus, *§. 2. Inst. 2. M. R.*
C. O.

XLIX.

Si gratuitus non fuerit, neq; commodatum id e-
rit, sed alius aliquis contractus, *l. 5. §. 12. b. t.*

L.

Si enim merces intervenerit, eaq; certa, erit loca-
tio conductio, *pr. l. de locat. cond.*

LI.

Si incerta, & quæ postea constitui debeat, erit con-
tractus innominatus, *§. 1. cod.*

LII.

Si alia aliqua res, itidem contractus erit innomi-
natus, *§. 2. cod. l. 17. §. 3. de præscr. Verb.*

LIII.

Honoratio tamen vel promissio vel solutio natu-
ram

ram hujus contractus non immutari, Doctores colligunt ex *l. 2. §. 23. ff. de ribon. rapt. l. 6. pr. ff. mandas*

LIV.

Haecenus de Substantialibus Commodari, pergitur ad naturalia.

LV.

Ea sunt vel interna & inseparabilia, quae immediate ex constitutione subjecti fluunt, & ipsi perpetuo atque immutabiliter cohaerent.

LVI.

Vel externa & separabilia, quae ex consuetudine adsunt, ita tamen, ut arbitrio contrahentium permittantur.

LVII.

Ad naturalia interna pertinet I. Dominii & possessionis ex parte commodantis retentio. *l. 3. d. 9. b. 1.*

LVIII.

Fluit hoc ex substantiali illò, quod usus tantum transeat ad commodatarium.

LIX.

Atque usus intelligitur seorsim extra dominium.

LX.

Quarumcunque ergo rerum potest esse usus citra consumptionem, illae possunt commodari ceteris paribus,

LXI.

Commodantur enim species & corpora. *l. 2. pr. de R. C.*

LXII.

Quandoque etiam res incorporales. §. 1. *Infi. de usu & hab. l. 1. §. 1. ff. de rei. conf. l. 3. l. 8. §. 5. l. 15. §. 2. ff. de precar.*

LXIII.

Si quæ autem res usu consumitur, commodari ea nequit, *l. 3. §. 1. ff. de rei. conf.*

LXIV.

Consumi autem non potest, nisi translatò dominiò.

LXV.

Commodari tamen speciem habet, si ea ad pompam vel ostentationem accipiat, aut etiam dicis gratia tradatur, *l. 3. §. 4. ff. de rei. conf.*

LXVI.

Ad ea verò, quæ usu consumuntur, non refero illa, quæ longiori usu atteruntur, & detritu deteriora fiunt, ut sunt vestimenta.

LXVII.

In his enim commodatum consistit, *l. 5. §. 8. ff. de rei. conf. l. 10. l. 11. ff. de rei. conf.*

LXVIII.

Ad naturalia interna refertur 2. quod usus determinatus utrumque contrahentem obliget. *l. 17. §. 3. ff. de rei. conf.*

LXIX.

Et commodans quidem rem commodatam intemptivè, & nondum finitò tempore, aut usu repetere nequit; *d. l. 17. §. 3.*

Etiamsi

LXX

Etiamsi diem suum obierit interea commodatarius,

LXXI.

Commodatarius autem potest quidem etiam anticipandò rem restituere, & re etiam prius non uti.

LXXII.

Sed non potest aliter uti, quàm convenit.

LXXIII.

Quin imò & qui aliàs re commodatà utitur, non solum commodati, verùm furti quoque tenetur, *l. 5 §. 8. b. t. l. 14. §. 1. ff. de furt.*

LXXIV.

Si tamen se intelligat id invitò dominò facere, *§. 7. l. de obl. quæ ex del. nasc.*

LXXV.

Et lucrandi animum habuerit, *§. 1. Inst. de obl. quæ ex del. nasc.*

LXXVI.

Quod si verò talem non habeat, & vel ex necessitate per longius tempus re commodatà utatur, vel id non invitò dominò fieri periculum habeat, extra crimen erit. *§. 7. Inst. ebd.*

LXXVII.

Tertium naturale internum est, quod restitutio rei fieri debeat in specie. *l. 2. de R. C. l. 1. §. 3. de O. & A.*

LXXVIII.

Et restituenda quidem est in eadem bonitate.

LXXIX.

Non enim videtur reddita, quæ deterior facta red-
ditur: *l. 3. §. 1. b. t.*

XXC.

Nisi ipse commodans in talem usum concessit,
ex quo res probabiliter fieri potuit deterior: *l. 10. l.
ult. b. t.*

XXCI.

Quod si æstimatō res commodata fuerit, ea si ex-
tat, nihilominus restituenda est.

XXCII.

Nisi ad hoc facta fuerit æstimatio, ut emptio in-
ducatur.

XXCIII.

Sed tūm degenerat contractus,

XXCIV.

Aliās enim æstimatio contractui subiecta non plus
operatur, quam natura contractus pati potest.

XXCV.

Et ideo tantū facta creditur æstimatio, ut si
culpā commodatarii res pereat, clarè & sine lite co-
gnoscatur, quid præstare debeat commodatarius. *Co-
st. ad l. 10. ff. de Jur. dot. Th. ming. decis. 31.
n. 24. seq. Franzk. b. t. n. 44. Bachov. in Tr. b. t.
pag. 919.*

XXCVI.

Ad naturalia porro externa sive separabilia refe-
ro, quod commodatum plerunque fiat in utilitatem
Commodatarii. *l. 5. §. 2. b. t.*

Idque

XXCVII.

Idque in dubiò ita factum præsumitur. *Mascard.
de probat. concl. 327. n. 1.*

XXCVIII.

Rarò enim res commodatur in utilitatem solius
commodantis. *d. l. 5. §. 10.*

XXCIX.

Quandoque tamen respicit commodum utriusq;
l. 18. pr. b. t.

X^cC.

Et ex hoc fluit naturale externum secundum,
quod consistit in præstatione culpa. *l. 5. §. 2. b. t.*

X^cCI.

Uti enim commodatum plerumque concernit
commodum commodatarii; sic plerumque etiam
præstatur ab eò culpa levissima. *d. l. 5. §. 2. l. 18. b. t.
l. 1. §. 4. de O. & A.*

X^cCII.

Ita ut hoc casu commodatarius res commodatas
ortò, e. g. incendiò propriis suis præterire teneatur. *l. 5.
§. 4. b. t. l. 3. de peric. & comm. rei vend.*

X^cCIII.

Quod tamen limitant Doctores, si res commo-
data vilior, propria pretiosior sit. *Lauterb. b. t. §.
2. n. 5.*

X^cCIV.

Si verò solius commodantis gratià res commo-
datur, solus à commodatariò præstatur dolus. *d. l. 5. §.
10. l. 10. §. 1. l. 22. b. t.*

XCV.

Ubi denique utriusque utilitas vertitur, culpa præstatur levis. *l. 18. pr. b. t.*

XCVI.

Sed hæc ita, nisi siquid nominatim convenit, vel plus, vel minus. *l. 23. de R. l.*

XCVII.

Sunt enim pacta ejusmodi contractuum accidentalialia.

XCVIII.

Quibus substantialia quidem & naturalia interna mutari nequeunt, possunt tamen naturalia externa.

XCIX.

Accidentalialia hæc pro arbitrio contrahentium adijci possunt.

C.

Et tunc legem dant contractui. *d. l. 23. de R. l. l. 1. §. 6. de pos.*

CI.

Sed hæc pactio ne dolus præstetur rata nunquam est. *l. 17. b. t. l. 1. §. 7. de pos.*

CII.

Casus verò fortuitus regulariter nec aliàs, nec in commodatò præstatur. *l. 18. b. t. l. 2. §. 7. de administr. rer. ad civ. pert.*

CIII.

Præstatur tamen, quando causam damno præbuit Commodatarius vel culpa sua vel morà. *l. 5. de R. C. l. 1. §. 4. de O. & A. l. 5. §. 4. b. t.*

Pertinet

CIV.

Pertinet huc, quādo aliter utitur commodatarius re commodatā, quā convenit. *l. 5. §. 7. b. s.*

CV.

Præstatur etiam, quando omne periculum in se suscepit commodatarius. *l. 1. C. b. s.*

CVI.

Item, quando res commodata fuit æstimato, *l. 5. §. 3. b. s.*

CVII.

Sed hoc tūm demū, quando æstimationem se præstiturum recepit accipiens. *d. l. 5. §. 3.*

CVIII.

Atque hoc casu commodati fines exceduntur, uti suprà jam dixi.

CIX.

Est enim talis æstimatio similis emptioni.

CX.

Et non esset, si non expressè ita convenisset.

CXI.

Quæ enim citra conventionem de æstimatione præstanda sit æstimatio, ideo facta in commodatō creditur, ut in eventum rei culpā deperditæ expeditior esset actio & executio.

CXII.

Et sic igitur non frustra ea sit, nec in vanum.

Quod

CXIII.

Quod verentes Salicetus, Mozzius, Dn Franzkus,
& alii, culpæ alias præstandæ propter æstimacionem ad-
jectam gradum addunt ulteriorem.

CXIV.

A quibus tamen nostrò iudiciò rectius discedunt
Costalius, Caroccius, Perez, & cum iis plures.

CXV.

Ex hoc contractu nascitur actio directæ, & contra-
ria. *l. i. l. 17. §. i. l. 18. §. f. b. r.*

CVI.

Illa datur commodanti, adversus commodatari-
um, & nascitur statim & rectè ex ipso contractu.

CXVII.

Hæc datur commodatario adversus commodan-
tem, & nascitur quasi ex postfactò, ut scilicet indemnis
præstetur.

CXVIII.

Directa persequitur ipsam rem.

CXIX.

Quæ aut extat, aut periit.

CXX.

Si extat, aut integra ea invenitur, aut alterata, &
corrupta, seu deteriorata.

CXXI.

Si integra est, restituenda est præcisè.

CXXII.

Nec objici potest compensatio, *l. fin. C. b. r.*

Retineri

CXXXIII.

Retineri tamen potest res commodata propter
impensas jure quoddam pignoris. *l. 15. l. 59. ff. de
furt.*

CXXXIV.

Etiā ita, ut adversus dominum, si eam subripiat,
detur actio furti. *d. l. 15.*

CXXXV.

Quando autem restituitur, restituenda est cum
accessionibus & fructibus. *l. 5. §. 9. b. 1. l. 38. §. 10.
de usur.*

CXXXVI.

Est enim hæc actio bonæ fidei, quæ persequitur id,
quicquid alter alteri ex æquò & bonò præstare debet.
§. 28. l. de act.

CXXXVII.

Et per consequens ad repetendum accessorium,
non opus est aliâ aliquâ actione.

CXXXVIII.

Quod si commodatarius tam contumax est, ut
restituere rem nolit, potest ab Actore in litem etiā
ex affectione jurari. *l. 2. §. 1. l. 8. de in lit. jur.*

CXXXIX.

Si res commodata deterior facta est, deteriora-
tio illa est vel gravior, vel levior.

CXXX.

Si gravior & talis, quæ usum rei impediatur, æstima-
tio potius præstanda est.

CXXXI.

Si levior, restituenda est res, sed ita, ut simul quod
interest præstetur.

C

Si pror-

CXXXII.

Si prorsus perit, perit aut casu fortuito, aut culpa commodatarii, aut dolo ejusdem.

CXXXIII.

Si dolo Commodatarii, conceditur commodanti juramentum in litem affectionis. *l. 2. §. 2. de in lit. jur.*

CXXXIV.

Si culpa, tum interest, an perierit ante litem contestatam, an post eam.

CXXXV.

Si ante litem contestatam perit, locum habet juramentum in litem veritatis, *arg. l. 5. §. 4. de in lit. jur.*

CXXXVI.

Si post litem contestatam, præstanda est æstimatio. *l. 17. §. f. d. t.*

CXXXVII.

Et ea faciendi est à judice,

CXXXVIII.

Ita scilicet ut rei judicandæ tempus, quanti res sit, observetur. *l. 3. §. 2. b. t.*

CXXXIX.

Si nulla culpa intercessit, non tenetur commodatarius. *l. 10. pr. l. f. ff. b. t.*

CXL.

Multò minus si res perierit casu fortuito. *l. 18. pr. b. t.*

CXLI.

Datur Actio directa etiam adversus hæredes.

Et qui-

CXLII.

Et quidem si plures fuerint, pro portione hereditaria. *l. 3. §. 3. ff. b. t.*

CXLIII.

Nisi unus habeat facultatem totius rei restituenda. *ibid.*

CXLIV.

Aut ex suo factò conveniatur. *l. 17. §. 2. b. t.*

CXLV.

Si pluribus res commodata fuerit, pro ratà illi tenentur. *l. 21. §. f. ff. b. t.*

CXLVI.

Nisi singulorum fidem in solidum secutus fuerit commodator. *l. 5. §. f. b. t.*

CXLVII.

Sequitur de actione CONTRARIA, quæ datur commodatario,

CXLVIII.

Vel quando usus rei à commodante interversus, aut intempestivè revocatus est. *l. 17. §. 3. b. t.*

CXLIX.

Vel quando non commodatur res, quæ debuit commodari, ut si vitiosa fuerit, & usum minus præbeat congruum. *l. 17. §. 3. l. 18. §. 3. l. 22. b. t.*

CL.

Vel quando commodans cum commodatarii damno in lucrò ex re commodatà versatur, vel quando post acceptum pretium, rem quoque ipsam recipit. *l. 17. §. 5. & l. 21. b. t.*

Quò ta-

CLI.

Quod tamen casu commodatario datur etiam res vindicatio, sed quæ commodanti non relinquit integrum, an rem, an pretium restituere velit. *l. 63. de R. V.*

CLII.

Quod tamen facit Actio commodati contraria. *l. 17. §. f. b. e.*

CLIII.

Vel tandem quando impensæ in rem commodatam factæ sunt necessariae, *l. 18. §. 2. b. e.*

CLIV.

Quibus tamen connumeranda non sunt cibaria, & modica alia impendia. *l. 18. §. 2. ff. b. e.*

DEO SIT GLORIA!

TANTUM.



VA 1 1521688